

Gwaith cartref – Uned 18



1. Atebwch y cwestiynau:

i. Faint o'r gloch ydy hi?

ii. Faint o'r gloch mae'r dosbarth yn gorffen?

iii. Lle mae'r dosbarth?

iv. Be sy yn eich poced chi?

v. Be ydy'ch enw chi?

2. Dyma'r ateb – be ydy'r cwestiwn? (defnyddiwch ydy/sy/mae)

- i.?

Yn Neuadd y Sir.
- ii.?

Am hanner nos.
- iii.?

Mam, Dad a'r plant.
- iv.?

Ugain punt.
- v.?

Mae tiwtor yn gweithio mewn dosbarth.
- vi.?

17 Stryd y Bont, Porthmadog.

3. Darllenwch y darn yma ac atebwch y cwestiynau sy'n dilyn.

Anti Margaret yn 106

Mae Anti Margaret yn gant a chwech oed! Roedd 'na ddathlu mawr ym mhentre Mynachlog Fawr nos lau diwetha, achos roedd person hyna'r ardal, Margaret Jones, yn cael ei phen-blwydd y diwrnod hwnnw. Dros y penwythnos wedyn, mi ddaeth llawer o'r teulu i'r pentre i ddymuno 'pen-blwydd hapus' iddi hi. Mae pawb yn ei nabad hi fel Anti Margaret.

Erbyn hyn mae hi'n byw efo'i merch Hanna, sy'n gofalu amdani, er bod Hanna ei hun yn wyth deg oed. Wrth gwrs, mae pobl yn dŵad i'r tŷ i helpu bob dydd. Mae Margaret yn cerdded i'r pentre o hyd, ond roedd pethau'n anodd yn ystod yr eira ym mis Ionawr. Doedd hi ddim yn medru mynd am dro i dafarn y pentre fel arfer i gael sgwrs a choffi yn y bore.

Mi gaeth Margaret ei geni ym Mynachlog Fawr, a dyna lle mae hi wedi byw y rhan fwy o'i bywyd. Mi aeth hi a'i gŵr i fyw yn Lloegr am flwyddyn neu ddwy yn y tridegau i weithio, ond caeodd y ffatri, felly roedd rhaid iddyn nhw ddŵad adre unwaith eto. Mae hi'n byw yma'n hapus ers hynny.

'Dw i'n lwcus iawn,' meddai Margaret, 'dw i'n iach, a dyna be sy'n bwysig.' Be mae hi'n mynd i'w wneud dros y flwyddyn sy'n dŵad? 'Wel... mi faswn i'n hoffi mynd i Awstralia i weld fy mab i a'i deulu fo, ond mae'n rhy ddrud. Dw i'n hoffi edrych ar y lluniau mae o'n eu hanfon dros y we, ond dydy hynny ddim yr un peth,' meddai hi.

Pob lwc i Margaret, ac mae pawb yn edrych ymlaen at ddathlu ei phen-blwydd yn gant a saith y flwyddyn nesa.

i. Pryd roedd pen-blwydd Margaret?

- a. Dydd lau diwetha.

b. Dydd Gwener diwetha.

☐
- c. Dydd Sadwrn diwetha.

ch. Dydd Sul diwetha.

☐

ii. Efo pwy mae Margaret yn byw?

- a. Ar ei phen ei hun.

b. Efo hen bobol mewn cartre.

☐
- c. Efo ffrind.

ch. Efo un o'r teulu.

☐

iii. Doedd hi ddim yn medru mynd i'r dafarn ar ddechrau'r flwyddyn achos...

- a. y tywydd.

b. roedd hi'n sâl.

☐
- c. roedd hi'n rhy bell.

ch. doedd gynni hi ddim lifft.

☐

- iv. Pam symudodd Margaret a'i gŵr yn ôl i fyw yn y pentre?

a. Roedd gynnyn nhw hiraeth.

b. Roedden nhw isio magu teulu.

c. Doedden nhw ddim yn hoffi Lloegr.

ch. Doedd ganddyn nhw ddim gwaith yn Lloegr.
- v. Pam fydd hi ddim yn mynd i Awstralia?

a. Dydy hi ddim yn cael hedfan.

b. Mae hi'n rhy hen.

c. Does gynni hi ddim digon o bres.

ch. Mae'n well gynni hi weld y lluniau ar y we.

4. Erbyn wythnos nesa, gwrandewch ar Robin Radio, a dewiswch berson enwog. Disgrifiwch y person - be ydy hoff liw, hoff fwyd, hoff ddiod, a hoff ffordd o deithio y person? Wythnos nesa mi fydd y dosbarth yn gofyn cwestiynau i chi ac mi fyddwch chi'n ateb.

5. Sgwennwch baragraff personol am ddathlu.

6. Dach chi wedi derbyn yr ebost yma. Atebwch yr ebost gan ymateb i'r cwestiynau i gyd. Sgwennwch rhwng 70 ac 80 o eiriau.

At:
Oddi wrth: Heulwen Haf, Gwyliau Cymru.
Dan ni'n casglu gwybodaeth am wyliau yng Nghymru. Dan ni isio gwybod am eich gwyliau diwetha:

- Lle aethoch chi?
- Be oedd y peth gorau am y gwyliau?
- Be fasech chi'n hoffi newid?

Diolch yn fawr am eich help.

Gair gan y tiwtor